

46

中國名山勝蹟志叢刊
沈雲龍教授主編

揚

州

圖

K928.3/39:3

大
學
出
版
社

THE
JOURNAL
OF
THE
ROYAL
ANTHROPOLOGICAL
INSTITUTE

VOL. LXXI
PART 1
1941



THE
JOURNAL
OF
THE
ROYAL
ANTHROPOLOGICAL
INSTITUTE

中國名山勝蹟志叢刊第五輯
沈雲龍主編

揚

州

圖

經

江焦

藩衍輯

(三)

文海出版社

有限公司

印

行

揚

州

圖

經



揚州圖經卷五

事志五 北米

大祖紀建隆元年九月己未淮南節度使李重進以揚州叛遣石守信等討之冬十月丁亥詔親征揚州庚寅發京師十一月丁未師次揚州城拔之重進盡室自焚戊申誅重進黨揚州牧命諸軍習戰艦於迎鑾南唐主懼甚其臣杜著薛良因詭迹來奔帝疾其不忠斬著下蜀市配良廬州牙校己酉賑揚州城中人米一斛十歲以下者米半斛隸爲軍者賜衣履遣還庚戌給攻城役夫死者又絹三疋復三年乙卯南唐主遣使來犒師庚

申遣其子從鎰來朝十二月己巳薦還丁亥上至自揚
宋史

李重進傳李重進其先滄州人也周太祖之甥晉天福
中任爲殿直漢周之際累遷至武信軍節度使重進年
長於世宗及太祖寢疾召重進受顧命令拜世宗以定
君臣之分世宗卽位爲侍衛親軍馬步軍都虞侯從征
高平以功領忠武軍節度使又進討太原爲行營馬步
軍都虞侯師還加同平章事改鎮歸德兼侍衛馬步軍
指揮使世宗親征淮甸重進爲招討使功最多及克壽
州加侍中又改鎮天平恭帝嗣位徙鎮淮南太祖建國

加中書令移鎮青州始重進與太祖俱事周室心憚太祖太祖卽位陰有叛逆之志及移鎮益疑懼太祖以鐵券賜之重進欲入朝爲左右所惑又自以周室近親也遂反遣人求援於李景景懼不納及聞太祖命石守信王審琦李處雲宋延渥四將率禁兵討之削其官爵太祖親征師次大儀鎮石守信遣使言曰揚州破在旦夕願陛下臨視太祖徑至城下卽日拔之重進舉族自焚死方重進反時有二子在京師皆爲宿衛太祖召而語之曰汝父何苦而反江淮兵弱又無良將誰與共圖事者汝速乘傳往諭之吾不殺汝也二子戰慄泣涕辭去

重進方與諸軍議事忽二子至具道太祖之言重進大駭士卒聞之皆有向背之意旣而王師壓境重進不知所爲遂赴火始重進遣其親吏翟守珣往潞州陰結李筠守珣素識太祖往來京師潛告樞密承旨李處耘求見太祖太祖召問曰我欲賜重進鐵券彼信我乎守珣曰重進久蓄反謀必無歸順之志太祖厚賜守珣令說重進緩其謀無令二凶並作分吾兵勢守珣歸勸重進養威持重未可輕發重進信之及李筠誅重進反悉如太祖之策及不受鐵券亦如守珣所言云

王偁東都事畧二十二

李處耘傳討李重進爲行營兵馬都監賊平以處耘知

揚州同上
二十

建隆二年春正月戊申以揚州行宮爲建隆寺宋史一

建隆三年春正月己巳淮南饑賑之同上

冬十月辛丑以宣徽北苑使李處耘爲宣徽南苑使兼樞密副使處耘前自揚州召還老幼遮道涕泣累日不

去李燾續資治通鑑長編三

乾德元年四月丙申兵部郎中監泰州稅曹匪躬棄市海陵鹽城兩州屯田副使張藹除籍爲民並坐令人齎輕貨往江南兩浙販易爲人所發故也同上四

秋七月壬戌命左拾遺知冤句縣事侯陟監本縣屯兵

未浹日又命爲淮南轉運使上

乾德二年八月以迎鑾鎮爲建安軍

同上

乾德三年九月己卯以度支郎中蘇曉爲淮南轉運使

同上

開寶元年九月有司言江瀆準顯德五年敕祭於揚州

揚子江口今請祭於成都府

同上

開寶三年八月丁亥移建安軍權貨務於揚州

同上

開寶四年三月升揚州高郵縣爲高郵軍

同上

開寶七年春正月甲戌遣使發廩賑揚楚等州饑民

同上

五十

三月壬戌命劉蟠同知淮南諸州轉運事

同上

初右諫議大夫段思恭知揚州朝廷方欲經畧江南命思恭兼沿江巡檢出則委通判以州務而思恭常挈印及鼓角金鉦等自隨驛書自京師至者輒令齎詣其所事多稽緩通判右贊善大夫李荅不能堪遂相與告訐付有司鞠之思恭詞不直責思恭爲太常少卿荅爲大

理寺丞

同上十六

開寶八年二月癸亥權知揚州侯陟以所部兵敗江南千餘衆於宣化鎮

同上

秋七月左司員外郎權知揚州侯陟受賕不法爲部下

所訟追赴京師

同上

太宗太平興國三年五月丁亥以鎮海鎮東節度使錢

惟濬爲淮南節度使浙江西道鹽鐵副使崔仁冀爲淮

南節度副使

仁冀之除在戊申今併書於此

同上十九

太平興國六年三月己未以淮南節度副使崔仁冀爲

衛尉卿淮南王錢俶言其才可用故也

同上十二

太平興國八年五月右補闕直史館洛陽董儼罷淮南

轉運使就命知光州

同上二十四

喬維岳傳維岳爲淮南轉運副使遷右補闕進爲使淮

河西流三十里曰山陽灣水勢湍悍運舟多罹覆溺維

岳規度開故沙河自末口至淮陰磨盤口凡四十里又建安北至淮滌總五堰運舟所至十經上下其重載者皆卸糧而過舟時壞失糧綱卒緣此爲姦潛有侵盜維岳始命剗二斗門於西河第三堰二門相距踰五十步覆以厦屋設縣門積水俟潮平乃泄之建橫橋岸上築土累石以牢其址自是弊盡革而運舟往來無滯矣

宋史三百七

按李燾續資治通鑑長編載此事在雍熙元年

淳化四年二月左司諫張觀因對言揚州民多闕食請革殘稅上曰近已免貧下民秋稅何爲復有理納觀曰

細民姦猾多以佃戶託名貧不僥倖蠲減性實貧下者
尙有殘欠上再三嘆息曰兩稅蠲減朕無所惜若實惠
及貧民雖每年放卻亦不恨也今州縣城郭之內則兼
并之家侵削貧民田畝之間則豪滑之吏隱漏租賦虛
上逃帳此甚弊事安得良吏規制稱朕之意乎

續資治
通鑑長

編三
十四

太宗紀淳化五年二月己酉以益王元傑爲淮南鎮江
等軍節度使徙封吳王秋七月癸亥置江淮兩浙發運

使

宋史
五

至道二年二月戊寅以吳王元傑爲揚州大都督兼領

壽州

同上

八月江淮發運使楊允恭捕販私鹽賊三十九人逮闕下上悉貸之因顧左右曰此等越逸江湖習性已久固不能工作矣可團爲一軍以備舟楫之役號曰平河資

治通鑑長編四十

至道三年五月壬申罷江淮發運使諸路轉運使司承受公事朝臣使臣悉召歸闕上初聽政務從簡易也

同上

國初罷節鎮統支郡以轉運使領諸路事其分合別未有定制淮南分爲兩路是歲始定爲十五路六曰淮南

路同上四十二

十一月甲午禁淮南通行鹽稅

宋史五

眞宗咸平三年八月戊辰鹽鐵判官制置江淮荆浙茶

鹽礬王子興兼統淮南轉運使

續資治通鑑長編四十七

宰輔表咸平四年三月辛卯王化基自參知政事以工

部尙書知揚州

宋史二百十

五月戊子以殿中侍御史卞衮爲淮南轉運使仍命衮與本路轉運副使劉師道同領淮南江浙荆湖制置茶鹽礬稅都大發運事時王子興上表求代詔令自擇其人子興以衮及師道名聞故有是命衮震之子也至道

未罷發運使及子輿兼淮南轉運使尋加都大而
不立使名發運使自後並淮南轉運使兼領其務者省發運使在至道三年四月子輿以制置茶鹽兼淮南漕
在咸平三年八月其加都大發運不見於實錄據會要
在四年今附此景德三年二月仍復使名續資治通鑑長編
四十八

真宗紀景德二年八月丙戌遣其內臣奉安太祖聖容

於揚州建隆寺

宋史七

十一月癸亥曹國公元儼進封廣陵郡王

同上

大中祥符元年十二月詔江淮發運轉運司部內各留
三年之儲以備水旱先是江淮米悉運送京師至是司
天監言揚楚之分當水旱爲沴防患故也

續資治通鑑長編七十